

摛藻堂四庫全書薈要

集部

欽定四庫全書薈要卷一萬七千四百八十九

御定全唐詩卷八十四

陳子昂

度荆門望楚

遙遙去巫峽，望望下章臺。
巴國山川盡荆門，煙霧開城
分蒼野外樹，斷白雲隈。今日狂歌客，誰知入楚來。

晚次樂鄉縣

故鄉杳無際日暮且孤征川原迷舊國道路入邊城野

戍荒煙斷深山古木平如何此時恨噭噭夜猿鳴

同王員外雨後登開元寺南樓因酬暉上人獨

坐山亭有贈

鐘梵經行罷香林坐入禪巖庭交雜樹石瀨瀉鳴泉水
月心方寂雲霞思獨玄寧知人世裏疲病得一作告攀緣

東征答朝臣

一作達相送

平生白雲意疲繭愧為雄君王謬殊寵旌節此從戎接
繩當繫虜單馬豈邀功孤劍將何托長謠塞上風

詠主人壁上畫鶴寄喬主簿崔著作

古壁仙人畫丹青尚有文獨舞紛如雪孤飛曖似雲自
矜彩色重寧憶故池羣江海聯翩翼長鳴誰復聞

居延海樹聞鶯同作

邊地無芳樹鶯聲忽聽新間關如有意愁絕若懷人明
妃失漢寵蔡女沒胡塵坐聞應落淚況憶故園春

題李三書齋

崇嗣

灼灼青春仲悠悠白日昇聲容何足恃榮吝坐相矜願

與金庭會將待玉書徵還丹應有術煙駕共君乘

送魏大從軍

匈奴猶未滅魏絳復從戎悵別三河道言追六郡雄雁
山橫代北孤塞接雲中勿使燕然上惟留漢將功

一作獨有

漢臣功

送殷大入蜀

禹一作蜀山金碧路此地饒英靈送君一為別悽斷故鄉

情片一作夏雲生極浦斜日隱離亭坐看征騎沒惟見遠

山青

落第西還別劉祭酒高明府

別館分周國歸驂入漢京地連函谷塞川接廣陽城望
迴樓臺出途遙煙霧生莫言長落羽貧賤一交情

落第西還別魏四懷

轉蓬方不定落羽自驚弦山水一為別歡娛復幾年離
亭暗風雨征路入雲煙還因止山逕一作返歸守東坡田

送客

故人洞庭去楊柳春風生相送河洲晚蒼茫別思盈白
頻已堪把綠芷復含榮江南多桂樹歸客贈生平

春夜別友人二首

銀燭吐青煙金樽對綺筵離堂思琴瑟別路遙山川明
月隱高樹長河沒曉天悠悠洛陽道一作去此會在何年

紫塞白雲斷青春明月初對此芳樽夜離憂悵有餘清
冷花露滿滴瀝簷宇虛懷君欲何贈願上大臣書

遂州南江別鄉曲故人

楚江復為客，征棹方悠悠。
故人憫追送，置酒此南洲。
平生亦何恨，夙昔在林丘。
違此鄉山別，長謠去國愁。

送東萊王學士無競

寶劍千金買，平生未許人。
懷君萬里別，持贈結交親。
孤松宜晚歲，衆木愛芳春。
已矣將何道，無令白首一作
髮新。

送梁李二明府

負書猶在漢，懷策未聞秦。
復此窮秋日，芳樽別故人。
黃金裝屢盡，白首契逾新。
空羨雙鳬鳥，俱飛向玉輪。

送魏兵曹使雋州得登字

陽山淫霧雨之子慎攀登羌筰多珍寶人言有愛憎欲
酬明主惠當盡使臣能勿以王陽道一作歎迢遞一作邛道畏

凌增

送著作佐郎崔融等從梁王東征

并序

古者涼風至白露下天子命將帥訓甲兵將以外
威荒戎內輯中夏時義遠矣自我大君受命百蠻
蟻伏匈奴舍蒲萄之宮越裳重翡翠之貢虎符不

發象譯攸同實欲高議靈臺偃兵一作伯天下而林

伯

天下而林

胡遺孽瀆亂邊甿驅蚊蚋之師忽雷霆之伐乃竊
海裔弄燕陲皇帝哀止鄙之人罹其辛螫以東征
之義降彼偏裨猶恐威令未孚亭塞仍梗乃謀元
帥命佐軍得朱邸之天人乃黃閣之元老廟堂授
鉞鑿門申命建梁國之旌旗吟漢庭之簫鼓東向
而拜北道長驅蜺旄羽騎之殷戈翻落日突鬚蒙
輪之勇効決浮雲方且獵九都窮踏頓存肅慎弔

姑餘彷徨赤山巡御日域以昭我王師恭天討也
歲七月軍出國門天晶無雲朔風清海時比部郎
中唐奉一考功員外郎李迴秀著作佐郎崔融並
參惟幕之賓掌書記之任燕南悵別洛北思懽頓
旌節而少留傾朝廷而出餞永昌丞房思玄衣冠
之秀乃張蕙圃席蘭堂還曲榭羅羽觴寫中京之
望縱侯亭之賞爾乃投壺習射博奕觀兵鎗金鏡
戛瑤琴歌易水之慷慨秦關山以徘徊頽陽半林

微陰出座思長風以破浪恐白日之蹉跎酒中樂
酣拔劍起舞則已氣橫遼碣志掃獯戎抗手何言
賦詩以贈

金天方肅殺白露始專征王師非樂戰之子慎佳兵海
氣侵南部邊風掃北平莫賣盧龍塞歸邊麟閣名

春晦餞陶七於江南同用風字

并序
內缺七字

蜀江分袂巴山望別南津坐恨歎仙帆之方遙北
渚長懷見離亭之欲晚白雲去矣

黃鶴何之楊柳青而三春暮我之懷矣能無贈
乎同賦一言俱題四韻

黃鶴煙雲一作霞

去青江琴酒同離帆方楚越溝水復西

東芙蓉生夏浦楊柳送春風明日相思處應對菊花叢
喜遇冀侍御珪崔司議泰之二使并序

余獨坐一隅孤憤五蠹雖身在江海而心馳魏闕
歲時仲春幽臥未起忽聞二星入井四牡臨亭邀
使者之車乃故人之駕隱几一笑把臂入林既聞

朝廷之樂復此琴樽之事山林幽寂鐘鼎舊遊語

默譚詠今復一得況北堂夜永西軒月微巴山有
望別之嗟洛陽無寄載之客江關離會三千餘里
名位寵辱一百年中歡娛如何日月其邁不為目
前之賞以增別後之思蟋蟀笑人夫子何歎

謝病南山下幽臥不知春使星入東井云是故交親惠
風吹寶瑟微月憶清真憑軒一留醉江海寄情人

登薊城西北樓送崔著作融入都

并序

僕嘗倦遊傷別久矣況登樓遠國銜酒故人憤胡
孽之侵邊從王師之出塞元戎按甲方刈鮮卑之
壘天子賜書且有君相之召而崔侯佩劍即謁承
明羣公負戈方絕大漠燕山北望遼海東浮雲臺
與碣館天殊亭障共衣冠地隔撫劒何道長謠增
歎以身許國我則當仁論道匡君子思報主仲冬
寒苦幽朔初平蒼茫天兵之氣冥滅戎雲之色白
羽一指可掃九都赤墀九重佇觀獻凱心期我願

斯遂君恩

一作遂
君之恩

共有策勳飲至方同廊廟之歡

偃武橐弓借爾文儒之首薊丘故事可以贈言因

賦登薊樓送崔子云爾

薊樓望燕國負劒喜茲登清規子方奏單戟我無能仲
冬邊風急雲漢復霜稜慷慨竟何道西南恨失朋

月夜有懷

美人挾趙瑟微月在西軒寂寞夜何久殷勤玉指繁清
光委衾枕遙思屬湘沅空簾隔星漢猶夢感精魂

夏日遊暉上人房

山水開精舍琴歌列梵筵人疑白樓賞地似竹林禪對
戶池光亂交軒巖翠連色空今已寂乘月弄澄泉

春日登金華觀

一作九

白玉仙臺古一作上丹丘別望遙山川亂雲日樓榭入煙
霄鶴舞千年樹虹飛百尺橋還疑一作逢赤松子天路坐

相邀一作招

羣公集畢氏林亭

金門有遺世

一作鼎

實恣和邦默語誰能

一作相

識琴樽

寄止窗子牟戀魏闕漁父愛滄江良時信同此歲晚迹

難雙

宴胡楚真禁所

人生固有命天道信無言青蠅一相點白璧遂成冤請

室間逾邃幽庭春未暄

一作語

寄謝韓安國何驚獄吏尊

魏氏園林人賦一物得秋亭嘗草

昔時幽徑裏榮耀雜春叢今來玉墀上銷歇畏秋風細

葉猶含綠鮮花未吐紅忘憂誰見賞空此止堂中

晦日宴高氏林亭

并序
內缺一字

夫天下良辰美景園林

一作亭

池觀古來遊宴歡娛

衆矣然而地或幽偏未覩皇居之盛時終交喪多

阻升平之道豈如光華啟旦朝野資歡有渤海之

宗英是平陽之貴戚發揮形勝出鳳臺而嘯侶幽

贊芳辰指雞川而留宴列珍羞於綺席珠翠瑣玕

奏絲管於芳園秦箏趙瑟冠纓濟濟多延戚里之

賓鸞鳳鏘鏘自有文雄之客總都畿而寫望通漢
苑之樓臺控伊洛而斜臨神仙之浦漱則有都
人士女俠客遊童出金市而連鑣入銅街而結
香車繡轂羅綺生風寶蓋凋鞍珠璣耀日於時律
窮太簇氣淑中京山河春而霽景華城闕麗而年
光滿淹留自樂翫花鳥以忘歸歡賞不疲對林泉
而獨得偉矣信皇州之盛觀也豈可使晉京才子
孤標洛下之游魏室羣公獨擅鄴中之會盍各言

志以記芳遊同探一字以華為韻

尋春遊上路追宴入山家主第簪纓滿皇州景望華玉
池初吐溜珠樹始開花歡娛方未極林閣散餘霞

晦日重宴高氏林亭

公子好追隨愛客不知疲象筵開玉饌翠羽飾金卮此
時高宴所詎減習家池循涯倦短翮何處一作儻長離

上元夜効小庾體

以上三首俱見歲時雜詠

三五月華新邀遊逐上春相邀洛城曲追宴小平津樓

上看珠妓車中見玉人芳宵殊未極隨意守燈輪

一本
截首

末二聯作絕

句題云燈

洛城觀酺應制

聖人信恭已天命允昭回蒼極神功被青雲祕籙開垂衣受金冊張樂宴瑤臺雲鳳休徵滿魚龍雜戲來崇恩踰五日惠澤暢三才玉帛羣臣醉徽章縟禮該方覩升中禪言觀拜洛迴微臣固多幸敢上萬年杯

奉和皇帝上

一作丘

禮撫事述懷應制

大君忘自

一作物

我應

一作膺

運居紫宸揖讓期明辟謳歌

且順人軒宮帝圖盛皇極禮容申南面朝萬國東堂會

百神雲陛旂常滿天庭玉帛陳鐘石和睿思雷雨被深

仁永平信娛樂王業本艱辛願罷瑤池宴來觀農扈春

卑宮昭夏德尊老睦堯親微臣敢拜手歌舞頌維新

酬田逸人遊巖見尋不遇題隱居里壁

遊人獻書去薄暮返靈臺傳道尋仙友青囊賣卜來聞
鶯忽相訪題鳳久襄回石髓空盈握金經祕不開還疑

絳披子復似洛陽才

白帝城懷古

日落滄江晚停橈問土風城臨巴子國臺沒漢王宮荒
服仍周甸深山尚禹功巖懸青壁斷地險碧流通古木
樹一作生雲際孤帆出霧中川途去無限客思坐何窮

峴山懷古

秣馬臨荒甸登高覽舊都猶悲墮淚碣尚想臥龍圖城
邑遙分楚山川半入吳丘陵徒自出賢聖幾凋枯野樹

蒼煙斷津樓晚氣孤誰知萬里客懷古正躊躇

宿空舲峽青樹邸浦

的的明月水啾啾寒夜猿客思一作愁浩方亂洲浦寂無

喧憶作千金子寧知九逝魂虛聞事朱闕結綬鶩華軒

委別高堂愛一作夢窺覩明主恩今成轉蓬去歎息復何

言

宿襄河驛浦

沿流辭北渚結纜宿南洲合岸昏初夕迴塘暗不流臥

聞塞鴻斷坐聽峽猿愁沙浦明如月汀葭晦若秋不及
能鳴雁徒思海上鷗天河殊未曉滄海信悠悠

贈嚴倉曹乞推命錄

少學縱橫術遊楚復遊燕棲遑長委命富貴未知天聞
道沉冥客青囊有秘篇一作編九宮探萬象三算極重玄
願奉唐生訣將知躍馬年非同一作因墨翟問空滯殺一

至龍川

和陸明府贈將軍重出塞

忽聞天上將
關塞重橫行
始返樓蘭國
還向朔方城
黃金裝戰馬
白羽集神兵
星月開天陣
山川列地營
晚風吹畫角
春色耀飛旌
寧知班定遠
猶獨是一書生

江上暫別蕭四劉三旋欣接遇

昨夜滄江別
言乘一作乘
天漢遊
寧期此相遇
尚接武陵洲
結綬還逢育
銜杯且對劉
波潭一瀾瀾
臨望幾悠悠
山水丹青雜
煙雲紫翠浮
終愧神仙友
來接野人舟

秋日遇荊州府崔兵曹使宴

并序

若夫尊卑位闊榮賤途分使卿士大夫倚軒裳而
傲物山棲木食負林壑而驕人未有能屈富貴於
沈冥雜薜蘿於簪笏天人坐契相從雲霧之遊風
雨不疲高縱琴樽之賞崔兵曹紫庭公胄青雲貴
人以鐘鼎不足以致奇才煙霞可以交名士皇華
昭國懷鳳綺而高尋白桂追遊邀免置而下顧大
美哉生平未識一見而交道遂存此日披懷千載
之風期坐合支道林之雅論妙理沈微崔子玉之

雄才斯文未喪屬乎金龍掌氣石雁驚秋天沈寥

而煙日無光野寂寞而山川變色其黃矣悲白

露于蒼葭木葉落兮慘紅霜于綠野爾其高興洽

芳酒闌頓羲和而不留顧華堂而欲晚長歌何托

思傳稽古之文爰命小人率記當時之事人探一

字六韻成篇

輶軒鳳皇使林藪歇雞冠江湖一相許雲霧坐交歡興

盡崔亭伯言忘釋道安林
一作秋光稍欲暮歲物已將闌

古樹蒼煙斷虛亭白露寒瑤琴

一作
琴中

山水曲今日為君

彈

臥病家園

世上無名子人間歲月賒縱橫策已棄寂寞道為家臥
病誰能問閒居空物華猶憶靈臺友棲真隱太霞還丹
奔日御却老餌雲芽寧知白社客不厭青門瓜

于長史山池三日曲水宴

摘蘭藉芳月

一作
日

祓宴坐迴汀泛灔清流滿歲蕤白芷

生金弦揮趙瑟玉指弄秦箏巖榭風光媚郊園春樹平

煙花飛御道羅綺照昆明日落紅塵合車馬亂縱橫

合州津口別舍弟至東陽峽步趨不及眷然有

憶作以示之

江潭共為客洲浦獨迷津思積芳庭樹心斷白眉人同
衾成楚越別島類胡秦林岸隨天轉雲峰逐望新遙遙
終不見默默坐含嚬念別疑三月經遊未一旬孤舟多

逸興誰共爾為鄰

萬州曉發放舟乘漲還寄蜀中親朋

空濛巖

一作微

雨霽爛漫曉雲歸嘯旅乘明發奔撓驚斷

磯蒼茫林岫轉絡繹漲濤飛遠岸孤煙出遙峰曙日微

前瞻未能睞坐望已相依曲直

一作折

多一作還

今古經過失

是非還期方浩浩征思日駢駢寄謝千金子江海事多

違

入峭峽安居谿伐木谿源幽邃林嶺相映有奇

致焉

肅徒歌伐木驚

一作驚

櫟漾輕舟靡迤隨迴

一作波

水潺湲

泝淺流煙沙分兩岸露

一作霞
又作霧

島夾雙洲古樹連雲密

交

文一作出

峰入浪浮巖潭相映娟谿谷屢環周路迴光逾

逼

一作逼

山深興轉幽虧鼯寒思晚猿鳥暮聲秋誓息簾

臺策將從桂樹遊因書謝親愛千歲覓蓬丘

入東陽峽與李明府舟前後不相及

東巖初解纜南浦遂離羣出沒同洲島沿洄異渚

一作江

漬

一作樓泊
異江清

風煙猶可望歌笑浩難聞路轉青山合峰

迴白日曛奔濤上漫漫積水下一作浪沄沄倏忽猶疑及

差池復兩分離離間

一作開

遠樹藹藹沒遙氛地上巴陵

道星連牛斗文孤狹啼寒月哀鴻叫斷雲仙舟不可見

搖一作邇思坐氤氳

同旻上人傷壽安傳少府

生涯良浩浩天命固諄諄聞道神仙尉懷德遂為鄰疇
昔逢堯日衣冠仕漢辰交遊紛若鳳詞翰宛如一作成麟
太息勞黃綬長思謁紫宸金闈徒有契玉樹已埋塵把

臂雖無托平生固亦親援琴一流涕舊館幾靄巾杳杳
泉中夜悠悠世上春幽明長隔此歌哭一作笑為何人

南山家園林木交映盛夏五月幽然清涼獨坐

思遠率成十韻

寂寥守寒巷幽獨臥

一作坐

空林松竹生虛白階庭橫古

今鬱蒸炎夏晚棟宇閟清陰軒窗交紫靄簷戶對蒼岑

鳳蘊仙人籙鸞歌素女琴忘機委人代閉牖察天心

蝶憐紅藥蜻蜓愛碧潯坐觀萬象化方見百年侵擾擾

將何息青青長苦吟願隨白雲駕龍鶴相招尋

還至張掖古城聞東軍告捷贈韋五虛已

孟秋首歸路仲月旅

一作旋

邊亭聞道蘭山戰相邀在井

陘屢_翻關月滿三捷虜雲平漢軍追北地胡騎走南庭

君為模中士疇昔好言兵白虎鋒應出青龍陣幾成披

一作圖見丞相按節入咸京寧知玉門道

翻一作空

作隴西

行北海朱旄落東歸白露生縱橫未得意寂寞寡相迎
負劒空歎息蒼茫登古城

題祀山烽樹贈喬十二侍御

漢庭榮巧宦雲閣薄邊功可憐驄馬使白首為誰雄

初入峽苦風寄故鄉親友

故鄉今日友歡會坐應同寧知巴峽路辛苦石尤風

題田洗馬遊巖桔槔

望苑一作遠長為客商山遂不歸誰憐北陵井一作客未息

漢陰機

古意題徐令壁

一作題著
作令壁

白雲蒼梧來氣氤萬里色聞君太平世棲泊靈臺側

贈別冀侍御崔司議

并序

朝廷歡娛山林幽晦思魏闕魂已九飛飲岷江情復三樂進不忘匡救於國退不慚無悶在林冀侍御崔司議至公至平許我以語默于是矣夫達則以公濟天下窮則以大道理身嗟乎子昂豈敢負古人哉蜀國酒醻無以娛客至於挾清瑟登高山白雲在天清江涵月可以散孤憤可以遊太清一

世之逸人寄千里之道友吾欲不謝於崔冀二公
矣所恨酒未醒琴方清王事靡鹽驛騎遄速不盡
平原十日之飲又謝叔度累日之歡雲山悠悠歎
不及也載想房陸畢子為軒冕之人不知蜀山有
雲巴水可興暝闕良會我心悠然請以此酣寄謝
諸子為巴山別引也

有道君匡國無悶一作機余在林白雲峨眉一作峨嵋上歲晚
來相尋

三月三日宴王明府山亭

見歲時雜詠
未句缺一字

暮春嘉月上巳芳辰羣公禊飲于洛之濱奕奕車騎衆
衆都人連惟競野袴服縟津青郊樹密翠渚萍新今我
不樂含意申


御定全唐詩卷八十四

謹案卷八十三第十四頁後一行信闕胡馬衝按

原集闕作聞

卷八十四第十七頁後五行階庭橫古今按原集

橫作懷





總校官庶吉士臣張能照
校對官檢討臣龔大萬
謄錄監生臣張元輯

欽定四庫全書會要

集部

御定全唐詩卷八十五至七

詳校官候補通政司經歷臣郭祚熾

欽定四庫全書
欽定全唐詩卷一萬七千四百九十一集部

御定全唐詩卷八十五

張說

張說字道濟一字說之洛陽人武后策賢良方正說所對第一授左補闕擢鳳閣舍人忤旨配流欽州中宗召還累遷工部兵部侍郎修文館學士睿宗拜為中書侍郎知政事開元初進中書令封燕國公尋出刺相州左轉岳州召拜兵部尚書知政事敕令巡邊後為集賢院

學士尚書左丞相卒謚文貞說為人敦氣義重然諾喜延納後進朝廷大述作多出其手與蘇頤號燕許大手筆謫岳州後詩益悽惋人謂得江山之助集三十卷內詩九卷今編詩五卷

唐封泰山樂章

唐書樂志曰開元十三年明皇封泰山祀天樂降神用豫和六

變迎送皇帝用太和登歌奠玉帛用肅和迎俎
用雍和酌獻飲福並用壽和送文舞出迎武舞

入用舒和終獻亞獻
用凱安送神用豫和

豫和六首

挹泰壇紫一作柴 泰清受天命報天成竦皇心薦樂聲志

上達歌下迎

億上帝臨下庭騎日月陪列星嘉視信大禧馨澹神心
醉皇靈

相百辟貢八荒九歌叙萬舞翔肅振振鏗皇皇帝欣欣

福穰穰

高在上道光明物資始德難名承眷命牧蒼生寰宇謐

泰階平

天道無親至誠與鄰山川遍禮宮徵惟新玉帛非盛聰
明會真正斯一德通乎百神

享帝享親維孝維聖緝熙懿德敷揚成命華夷志同笙
鏞禮盛明靈降止感此誠敬

太和

孝敬中發和容外彰騰華照寓如昇太陽貞璧就奠玄
靈垂光禮樂具舉濟濟洋洋

肅和

奠祖配天承天享帝百靈咸秩四海來祭植我蒼璧布
我玄製華日裴回神煙容裔

雍和

俎豆有馥粢盛絜豐亦有和羹旣戒旣平鼓鐘管磬肅
唱和鳴皇皇我祖來我思成

壽和

烝烝我后享獻惟寅躬酌鬱鬯跪奠明神孝莫孝乎配
上帝親敬莫敬乎教天下臣

壽和

皇祖嚴配配享皇天皇降嘏天子萬年

舒和

六鐘翕協六變成八佾徜徉八風生樂九韶兮神人感
羨七德兮天地清

凱和

烈祖順三靈文宗威四海黃鉞誅羣盜朱旗掃多罪戢
兵天下安約法人心改大哉干羽意長見風雲在

豫和

禮樂終禋燎上懷靈惠結皇想歸風疾回風爽百神來衆神往

唐享太廟樂章

唐書樂志曰明皇開元七年享太廟樂迎神用永和皇帝行用

太和登歌酌瓚用肅和迎俎用雍和皇帝酌醴齊用文舞獻宣皇帝用光大舞光皇帝用長發

舞景皇帝用大政舞元皇帝用大成舞高祖用大明舞太宗用崇德舞高宗用鈞天舞中宗用

大和舞睿宗用景雲舞皇帝飲福受賜用福和送文舞出迎武舞入用舒和亞獻終獻行事武

舞用凱安撤豆用登歌送神用永和按

景皇帝舊用大基至是改用大政云

永和三首

肅九室諧八音歌皇慕動神心禮宿設樂妙尋聲明備裸奠臨

律迓氣音入玄依玉几御黼筵聆愾息優周旋九韶徧百福傳

信工祝永頌聲來祖考聽和平相百辟貢九瀛神休委帝孝成

太和

時文聖后清廟肅邕致誠勤薦在貌思恭玉節肆夏金
鏘五鐘繩繩雲步穆穆天容

肅和

天子享孝工歌溥將射裸鬱鬯乃焚脊鄉臭以達旨聲
以求陽奉時烝嘗永代不忘

雍和二首

在滌嘉黍麗碑敬牲角握之牝色純之辭火傳陽燧水
溉陰精太公胖俎傳說和羹

俎豆有馥齊盛絜豐亦有和羹旣戒旣平鼓鐘管磬肅唱和鳴皇皇后祖來我思成

此首與封泰山樂章雍和同

文舞

聖暮九德真言五千慶集昌胄符開帝先高文杖鉞克配彼天三宗握鏡六合渙然帝其承祀率禮罔愆圖書霧出日月清懸舞形德類詠諗功傳黃龍蜿蟺彩雲蹁躚五行氣順八佾風宣介此百祿於皇萬年

光大舞

肅肅藝祖滔滔濬源有雄玉劍作鎮金門玄王貽緒后
稷謀孫肇禋九廟四海來尊

長發舞

具禮崇德備樂承風魏推幢主周贈司空不行而至無
成有終神興王業天歸帝功

大政舞

於赫元命權輿帝文天齊八柱地半三分宗廟觀德笙
鏞樂勲封唐之兆成天下君

大成舞

帝舞季歷龍聖生昌后歌有蟜胎炎孕黃天地合德日
月齊光肅雍孝享祚我萬方

大明舞

赤精亂德四海困窮黃旗舉義三靈會同早望春雨雲
披大風溥天來祭高祖之功

崇德舞

皇合一德朝宗百神削平天地大拯生人上帝配食單

于入臣戎歌陳武煜煜震震

釣天舞

高皇邁道端拱無為化懷獯鬻兵賦句驪禮尊封禪樂
盛來儀合位媯后同稱伏羲

大和舞

退居江水鬱起丹陵禮物還舊朝章中興龍圖友及駿
命恭膺鳴球香瓊大禧是承

景雲舞

景雲霏爛告我帝符噫帝冲德與天為徒笙鏞遙遙俎豆虛無春秋孝獻回復此都

福和

備禮用樂崇親致尊誠通慈降敬徹愛存獻懷稱壽啐
感承恩皇帝孝德子孫千億大包天域長亘不極

舒和

六鐘翕協六變成八佾徜徉八風生樂九韶兮人神感

美七德兮天地清

此首與封泰山樂章舒和同

凱安三首

瑟彼瑤爵亞維上公室如屏氣門不容躬禮殷其本樂
執其中聖皇永慕天地幽通

禮匝三獻樂徧九成降循軒陛仰欵皇情福與仁合德
因孝明百年神畏四海風行

總總千戚填填鼓鐘奮揚增氣坐作為客離若鶩鳥合
如戰龍萬方觀德肅肅邕邕

登歌

止笙磬撤豆籩
郭無響宵入玄
主在室神在天情餘慕
禮罔愆喜黍稷屢豐年

永和

眇嘉樂授靈爽
感若來思如往休
氣散回風上返寂寥
還惚恍懷靈駕結空想

御定全唐詩卷八十五

欽定四庫全書
欽定全唐詩要卷一萬七千四百九十一

集部

御定全唐詩卷八十六

張說

奉和聖製賜諸州刺史應制以題坐右

文明遍禹跡鯨寡達堯心正在親人守能令王澤深朝廷多秀士鎔鍊比精金犀節同分命熊軒各外臨聖主賦新詩穆若聽薰琴先言教為本次言則是欽三時農不奪午夜犬無侵願使天窩內品物遂浮沈寄情羣飛

鶴千里一揚音共躡華胥夢冀黃安足尋

奉和聖製送宇文融安輯戶口應制

至德臨天下勞情遍九圍念茲人去本蓬轉將何依外
避征戍數內傷親黨稀嗟不逢明盛胡能照隱微栢臺
簡行李蘭殿錫朝衣別曲動秋風恩令生春輝使出四
海安詔下萬心歸祚非夔龍佐徒歌鴻鴈飛

奉和聖製過晉陽宮應制

太原俗尚武高皇初奮庸星軒三晉疆土樂二一作堯

封北風遂舉鵬西河亦上龍至德起王業繼明賴人雍
六合啓昌期再興廣聖蹤傳呼大駕來文物如雲從連
營火百里縱觀人千重翠華渡汾水白日臨翠峰

一作翠峰

粉榆恩賞洽桑梓舊情恭往運感不追清時惜難逢詩
發尊祖心頌刊盛德容願君及春事迴輿綏萬邦

奉和聖製行次成臯

大宗擒竇建德處應制

夏氏階隋亂自言河朔雄王師進穀水兵氣臨山東前
歸成臯陣却下洛陽宮義合帝圖起威加天寓同軒臺

百年外虞典一巡中戰龍思王業倚馬賦神功

奉和聖製溫湯對雪應制

瑞雪帶寒風寒風入陰琯陰琯方凝閉寒風復淒斷宮似瑤林匝庭如月華滿玉牕一作歛擴詞非近溫湯一作挾纊詞

溫暖

奉和聖製義成校獵喜雪應制

文教資武功郊畋閱邦政不知仁育久徒看禽獸盛夜霰氣埃滅朝日山川淨綽仗飛走繁抨絃筋角勁帝射

參神道龍馳合人性五犯連一發百中皆先命勇爵均
萬夫雄圖羅七聖星為吉符老雪作豐年慶喜聽行獵
詩威神入軍令

清明日詔宴寧王山池賦得飛字

今日清明宴佳境惜芳菲搖揚花雜下嬌轉鶯亂飛綠
諸傳歌榜紅橋度舞旛和風偏應律細雨不霑衣承恩
如改火春去春來歸

四月十三日詔宴寧王亭子賦得好字

何許承恩宴山亭風日好綠嫩鳴鶴洲陰穠鬪雞道果
思夏來茂花嫌春去早行樂無限時皇情及芳草

藥園宴武輅沙將軍賦得洛字

東第乘餘興南園宴清洛文學引鄒枚歌鐘陳衛霍風
高大夫樹露下將軍藥待聞出塞還丹青上麟閣

修書院學士奉敕宴梁王宅賦得樹字

虎殿成鴻業猿巖題鳳賦既荷大君恩還蒙小山遇秋
吹迎絃管涼雲生竹樹共惜朱邸歡無辭洛城暮

夕宴房主簿舍

并序

旅聽清館崇屬嚴鑰巖雲暗山微月白夜悄羣動
之俱息感孤鴻之遠音有美房公霞海其量友我
以絲竹好我以樽俎紵蘊結之雅懷豁幽曠之陳
意滿堂既醉因賦是詩

歲晏關雍空風急河渭冰薄遊羈物役微尚愜遠憑旅
館月宿永閉局雲思興伊人美修夜朋酒惠來稱交談
既清雅琴吹亦淒凝不逢君蹇涸幽意長鬱蒸

行從方秀川與劉評事文同宿

方秀美盤遊頻年降天旱水共伊川接山將闕門斷捧
日照恩華攀雲引渡散野宿霜入帳孤衾寒不暖靜聞
宮漏疎卧視庭月滿開爐命溫酌中夜發清管風送關
山長氣適星歲短寓言情思愜適興真意坦寰中病羈
掛方外嫌縱誕願君樂盛時無嗟帶纓緩

送郭大夫元振再使吐蕃

犬戎廢東獻漢使馳西極長策問酋渠猜

一作攜

阻自夷

殛容髮徂邊歲旌裘敝海色五年一見家妻子不相識
武庫兵猶動金方事未息遠圖待才智苦節輸筋力脫
刀贈分手書帶加餐食知君萬里侯立功在異域

送李侍郎迥秀薛長史季冕同賦得水字

漢郡接胡庭幽并對烽壘旌旗按部曲文武惟卿士薛
公善籌畫李相威邊鄙中冀分兩河長城各萬里藉馬
黃花塞蒐兵白狼水勝敵在安人為君汗青史

別平一師

卷之十一
王子不事俗高駕渺難追茅土非屑盼傾城無樂資宴坐深林中三世同一時皎皎獨往心不為塵網欺竭來已復去今去何來思回首謝同行勤會安請期

送王光庭

同居洛陽陌經日懶相求及爾江湖去言別悵悠悠楚雲眇羈翼海月倦行舟愛而不可見徒嗟芳歲流

新都南亭送郭元振盧崇道

一作盧崇道詩題
云新都南亭送郭

振
大元

竹徑女蘿蹊蓮洲文石隄靜深入俗斷尋玩徃還迷碧潭秀初月素林驚夕棲塞幌納蟾影理琴聽猿啼佳辰改宿昔勝寄坐睽攜長懷賞心愛如玉復如珪

贈崔公

我聞西漢日四老南山幽長歌紫芝秀高卧白雲浮朝野一作市光塵絕榛蕪年貌秋一朝驅駟馬連轡入龍樓昔遯高皇去今從太子遊行藏惟聖節福禍在人謀卒能匡惠帝豈不賴留侯事隨年代遠名與圖籍留平生

欽淳德慷慨景前修蟠蛤一作同想陰免蛟龍望斗牛無

嗟異飛伏同氣幸相求

贈趙公

湘東股肱守心與帝鄉期舟楫中途蹇風波復來思嘉
我常聯翼金貂侍玉墀迹參前馬聖

黃帝遇牧馬童子稱天師而退名

綴鬻熊師寒暑一何速山川遠間之寧知洞庭上獨得
平生時精意微絕簡從權討妙棋林壑為予請紛靄發
華滋流賞忽已散驚帆杳難追送君在南浦侘傺投此

詞

贈趙侍御

祿放跡異端偏荒事同蹇苟忘風波累俱會雲壑踐險
式壓西湖僑廬對南峴夜樓江月入朝幌山雲捲山勢
遠濤連江途斜漢轉坐嘯予多暇行吟子獨善並轡躊
郊郭方舟玩遊演虛聲萬籟分水色千里辨不知岸陰
謝再見春露泣綠壤發欣顏華年助蟲篆上世時難接
古人情可選泊渚煩為媒多才怨成褊長沙鵬作賦任

道可知淺請從三已心榮辱兩都遣

答李伯魚桐竹

結廬桐竹下室邇人相深接垣分竹徑隔戶共桐陰落
花朝滿岸明月夜披林竹有龍鳴管桐留鳳舞琴奇聲
與高節非吾誰賞心

寄姚司馬

共君春種瓜本期清夏暑瓜成人已去失望將誰語裏
露摘香園感味懷心許偶逢西風便因之寄鄂渚

代書答姜七崔九

婀娜金闌樹離披野田草雖殊兩地榮幸共三春好花
殊鳥飛處葉鏤蟲行道真心獨感人惆悵令人老

代書寄吉十一

一鴈雪上飛值我衡陽道口銜離別字遠寄當歸草日
想春來遲心驚寒去早憶鄉乘羽翮慕侶盈懷抱零落
答故人將隨江樹老

代書寄薛四

孤鴈東飛來寄我紋與素紋足經三象素當綜羣務遠
見故人心一言重千金答之綵毛翰繼以瑤華音歲寒
衆木改松柏心常在

過蜀道山

我行春三月山中百花開披林入峭蒨攀磴陟崔嵬白
雲半峰起清江出峽來誰知高深意緬邈心幽哉

蜀路二首

雲埃夜澄廓山日曉晴鮮葉落蒼江岸鴻飛白露天磷

磷含水石翠幕翠覆林煙客心久無緒秋風殊未然

徑蜀時未改別家鄉念盈憶昨出門日春風發鮮榮及茲旋轅地秋風滿路生昏曉思魏闕夢寐還秦京秦京開朱第魏闕垂紫纓幽獨玄虛閣不聞人馬聲藝業為君重名位為君輕玉琴知調苦一作古寶鏡對膽清膺饑常啄腥鳳饑亦待瓊於君自有屬物外豈能輕

再使蜀道

眇眇葭萌道蒼蒼褒斜谷煙壑爭晦深雲山共重複古

來風塵子同眩望鄉目芸閣有儒生輶車倦馳逐青春
客眠嶺白露搖江服歲月鎮羈孤山川俄反覆魚遊戀
深水鳥遷戀喬木如何別親愛坐去文章國蟋蟀鳴戶
庭蠅蜎網琴筑

江路憶郡

霧飲江早明星翻漢將沒卧聞峽猿響起視榜人發倚
棹攀岸條憑船美波月水宿厭洲渚晨光屢揮忽林澤
來不窮煙波去無歇結思笙竽里搖情遊俠窟年貌不

暫留歡愉及玄髮雲濤戀山海禽鳥懷燕越自非行役

人安知慕城闕

過漢南城歎古墳

舊國多陵墓荒涼無歲年涓湧蔽平岡汨若波濤連上
世千金子潛卧九重泉松柏剪無餘碑記滅罔傳莫於
不毛地咸謂楚先賢事盡情可識使人心悵然

至尉氏

夕次阮公臺嘯歌臨爽塏高名安足賴故物今皆改吾

兄昔茲邑遺愛稱賢宰桑中雉未飛屋上鳥猶在途逢
舊耽吏城有同寮宋望塵遠見迎一作遠見咸相迎拂館來欣

待慈惠留千室友于存四海始知魯衛間優劣相懸倍

襄州景空寺題融上人蘭若

高名出漢陰禪閣跨香岑衆山既圍繞長川復廻臨雲
峰曉靈變風木夜虛吟碧湫龍池滿蒼松虎徑深舊知
青巖意偏入杳冥一作冥心何由侶飛錫從此脫朝簪

巡邊在河北作

撫劍空餘勇彎弧遂無力老去事如何據鞍長歎息故
交索將盡後進稀相識獨憐半死心尚有寒松直

入海二首

乘桴入南海海曠不可臨茫茫失方面混混如凝陰雲
山相出沒天地互浮沈萬里無涯際云何測廣深潮波
自盈縮安得會虛心

海上三神山逍遙集衆仙靈心豈不同變化無常全龍
伯如人類一釣兩鰐連一作金臺此淪沒玉真時播遷

問子勞何事江上泣經年隰中生紅草所美非美然

相州山池作

嘗懷謝公詠山水陶嘉月及此年事衰徒看衆花發觀
魚樂何在聽鳥情都歇星漢流不停蓬萊去難越鄴中
秋麥秀淇上春雲沒日見塵物空如何靜心闕

岳州作

夜夢雲闕間從容簪履列朝遊洞庭上緬望京華絕潦
收江未清火退山更熱重欹視欲醉情滿氣如喧器留

魚鼈腥衣點蛟蚩血髮白思益壯心玄用彌拙冠劍日
苔蘚琴書坐廢撤唯有報恩字刻意長不滅

岳州行郡竹籬

山郡不溝郭荒居無翳壅愛人忠主利善守閑為勇苟
非小勤瘁安得期逸寵版築恐土疎襄城嫌役重藩柵
聊可固筠篁近易奉差池截浦沙繚繞緣隈壠壘似長
雲亘森如高戟聳預絕豺狼憂知免牛羊恐閭里寬矯
步榛藪恣踏蹕始果遊處心終日成閑拱

遊洞庭湖湘

緬邈洞庭岫葱蒙水霧色宛在太湖中可望不可即割
竹守窮諸開門對奇域城池自繁籠纓綬為徽繹靡日
不思往經時始願克飛棹越溟波維舟恣攀陟穿篠入
雲步崎嶇倚松息巖壇有鶴過壁字無人識滴石香乳
溜垂崖靈草植玩幽輕霧阻討異忘曛逼寒沙際水平
霜樹籠煙直空宮聞莫覩地道窺難測此處學金丹何
人生羽翼誰傳九光要幾拜三仙職紫氣徒想像清潭

長眇默覩裳若有來覩我雲峰側

澠湖山寺

楚老遊山寺提攜觀畫壁揚袂指辟支
睂眄相鬪閱險哉透撞兒千金賭一擲成敗身自受傍人那歎息

出湖寄趙冬曦

西泛平湖盡參差入亂山東瞻岳陽郡汗漫太虛間窘步同行樂道文互屢看山戍上雲桂江亭臨水關川途倏忽間風景依如昨湘浦未賜環荆門猶主諾何時與

美人

一作得
余美

載酒遊宛洛

岳陽早霽南樓

山水佳新霽南樓玩初旭夜來枝半紅雨後洲全綠四
運相終始萬形紛代續適臨青草湖再變一作鼓黃鸝曲

地穴穿東武江流下西蜀歌聞枉渚遭舞見長沙促心

阻意徒馳一作心遠居無陋神和生自足白髮悲上春知常謝先

一作元
欲

岳陽石門墨山二山相連有禪堂

一作觀天下

絕境

困輪江上山近在華容縣常涉巴丘首天晴遙可見佳遊屢前諾芳月愆幽眷及此符守移歡言臨道便既攜賞心客復有送行掾竹徑入陰窅松蘿上空蒨草共林一色雲與峰萬變探窺石門斷緣越沙澗轉兩山勢爭雄峰巘相顧眄藥妙靈仙寶境華巖壑選清都西淵絕金地東散宴池果接園畦風煙邇臺殿高尋去石頂曠覽天宇遍千山紛滿目百川豁對面騎來雲氣迎人去

鳥聲戀長揖桃源士舉世同企羨

和尹憲秋夜遊澠湖

坐嘯人事閒佳遊野情發山門送落照湖口昇微月林
尋猿狹居水戲鼈蠶穴朔風吹飛鴈芳草亦云歇

五君詠五首

并序

達志美類刺異感義哀事顏氏之心也擬焉

魏齊公元忠

齊公生人表迥天聞鶴唳清論早揣摩玄心晚超詣入

相廊廟靜出軍沙漠
見深呂祿憂舉後陳平計甘心
除君惡足以報先帝

蘇許公瓊

許公信國楨克羨具瞻情百事資朝問三章廣世程處
高心不有臨節自為名朱戶傳新戟青松拱舊塋淒涼
丞相府餘慶在玄成

李趙公旉

李公實神敏才華乃天授睦親何用心處貴不忘舊故

事遵臺閣新詩冠宇宙在人忠所奉惡我誠將宥南浦
去莫歸嗟嗟蔑孫秀

郭代公元振

代公舉鵬翼懸飛摩海霧志康天地屯適與雲雷遇興
喪一言決安危萬心注大勲書王府舛一作窄命淪江路
勢傾北夏門哀靡東平樹

趙耿公彥昭

耿公山嶽秀一作靈才傑心一作遠神亦妙鸞鳥峻標立哀

一作
良 玉扣一作振清調協贊休明啓恩華日月照何意瑤

臺雲風吹落江徼湘流下潯陽灑淚一投弔

遊龍山靜勝寺

每上襄陽樓遙望龍山樹鬱茀吐岡嶺微蒙在煙霧下
車歲已成飾馬閑一作問餘步苦霜裛野草愛日揚江煦

雲對石上塔風吹一作入松下路禪室宴三空神祠同一作

圓六趣兒童共戲謔猿鳥相驚顧南識桓公一作恒山臺北

望先賢墓世上人何在時聞心不住但傳無盡燈可使

有情悟

一柱觀

舊說江陵觀初疑神化來空山結雲閣綺靡隨風回奈
何任一柱斯焉容衆材奇功非長世今餘草露臺

登九里臺是樊姬墓

楚國所以霸樊姬有力焉不懷沈尹祿誰諳一作進叔敖

賢萬化茫無在孤墳獨巋然北分陽臺陌南識郢城阡
漠漠諸宮樹蒼蒼雲夢田登高形勝出訪古令名傳自

我來符守因君樹蕙荃詩書將變俗繺續勿彌年志闡
閨一作三折後愁值二毛前停立帝京路遙心寄此篇

過懷王墓

嘵嘵一作惺不可信以似此敗懷王客死堯關路返葬

岐江陽啼狹抱山月饑狐獵野霜一聞懷沙事千載盡
悲涼

聞雨

多雨絕塵事寥寥入太玄城陰疎復合簷滴斷還連念

我勞造化從來五十年悞將心徇物近得還自然閒居
草木侍虛室鬼神憐有時進美酒有時泛清絃聲真不
世識心醉豈言詮

夜坐

懷哉四壁時未有五都價百金誰見許斗酒難為貰落
花生芳春孤月皎清夜復逢利交客題戶遙相謝

山夜聞鐘

夜卧聞夜鐘夜靜山更響霜風吹寒月碎窓虛中上前

聲既春容後聲復晃盪聽之如可見尋之定無像信知

本際空徒掛生滅想

冬日見牧牛人擔青草歸

塞上綿應折江南草可結欲持梅嶺花遠競榆關雪日
月無他照山川何頓別苟齊兩地心天問將安說

詠鏡

寶鏡如明月出自秦宮樣隱起雙蟠龍銜珠儼相向常
恐君不察匣中委清量積翳掩菱花虛心蔽塵狀倘蒙

羅袖拂先生玉臺上

詠瓢

美酒酌懸瓢真淳好相映蝎房卷墮首鶴頸抽長柄雅色素而黃虛心輕且勁豈無雕刻者貴此成天性

雜詩四首

抱薰心常焦舉旆心常搖天長地自久歡樂能幾朝君看西陵樹歌舞為誰嬌

山門苦積雨木落悲時遠賞心凡幾人良辰在何處觸

石滿堂侈灑我終夕慮客烏懷主人銜花未能去剖珠
貴分明琢玉思堅貞要君意如此終始莫相輕

問予青霞意何事留朱軒自言心遠俗未始跡辭喧過
蒙良時幸側息吏途煩簪纓非宿好文史棄前言夕卧
北牕下夢歸南山園白雲慙幽谷清風愧泉源十年茲
賞廢佳期今復存掛冠謝朝侶星駕別君門

默念羣疑起玄通百慮清初心滅陽豔復見湛虛明悟
滅心非盡求虛見後生應將無住法修到不成名

和張監遊終南

宿懷終南意及此語雲峰夜聞竹澗靜曉望林嶺重春
煙生古石時鳥戲幽松豈無山中賞但畏心莫從

古泉驛

於陵仲子宅也

昔聞陳仲子守義辭三公身負妻織屨樂亦在其中豈
無窮賤苦羞與傾巧同長白臨河上於陵入濟東我行
弔遺跡感歎古泉空

河上公

尊師厭塵去精魄知何明形氣不復生一作往弟子空傷

情濟北神如在淮南藥未成共期終莫遂寥落兩無成

名一作

奉和聖製初入秦川路寒食應制

上陽柳色喚春歸臨渭桃花拂水飛總為朝廷巡幸去

頓教京洛少光輝昨從分陝

一作汾陝

山南口馳道依依漸

花柳入關正投寒食前還京遂落清明後路上天心重

豫遊御前恩賜特風流便幕那能鏤雞子行宮善巧帖

毛毬渭橋南渡花如撲麥隴青青一作草草斷人目漢家行

樹直新豐秦地驪山抱溫谷香池春溜水初平預歡浴

日照京城今歲隨宜過寒食明年陪宴作清明

時樂鳥篇并序

伏見天恩以靈異鸚鵡及能延京所述篇出示朝
列臣按南海異物志有時樂鳥鳴云太平天下有
道則見驗其圖丹首紅臆朱冠綠翼鶯領文背糅
以五色今此鳥本南海貢來與鸚鵡狀同而毛尾

全異其心聰性辨護主報恩固非凡禽實瑞經所謂時樂鳥延京雖叙其事未正其名望編國史以彰聖瑞臣竊同延京獻詩一首

舊傳南海出靈禽時樂名聞不可尋形貌乍同鸚鵡類
精神別稟鳳凰心千年待聖方輕舉萬里呈才無伴侶
紅茸綵繡好毛衣清冷謳鴟好言語內人試取御衣牽
啄手暝聲不許前心願陽烏恒保日志嫌陰鶴欲凌天
天情玩訝良無已察圖果見祥經裏本持符瑞驗明王

還用文章比君子自憐弱羽詎堪珍喜共華篇來示人
人見嚶嚶報恩鳥多慙碌碌具官臣

安樂郡主花燭行

青宮朱邸翊皇闈玉葉瓊蕤發紫微姬姜本來舅甥國
卜筮俱道鳳凰飛星昴殷冬獻吉日天桃穠李遙相匹
鸞車鳳傳王子來龍樓月殿天孫出平臺火樹連上陽
紫炬紅輪十二行丹爐飛鐵馳炎焰炎霞爍電吐明光
綠輦屏一作紺幙紛如霧節鼓清笳前啓路城隅靡靡稍

東還橋上鱗鱗轉南渡五方觀者聚中京四合塵煙漲
洛城商女香車珠結網天人寶馬玉繁纓百壺渌酒千
斤肉大道連延障錦軸先祝聖人壽萬年復禱宜家承
百祿珊瑚刻盤青玉尊因之假道入梁園梁園山竹凝
雲漢仰望高樓在天半翠幕蘭堂蘇合薰珠簾掛戶水
波紋別起芙蓉織成帳金縷鴛鴦兩相向罽茵飾地承
珮履花燭分階移錦帳織女西垂隱燭臺雙童連縷合
歡杯鵠鵠綺庭嬪從列娥娥紅粉扇中開黃金兩印雙

花綬富貴婚姻古無有清歌棠棣美王姬流化邦人正

夫婦

離會曲

何處送客洛橋頭洛水泛泛中行舟可憐河樹葉萎蕤
關關河鳥聲相思街鼓喧喧日將一作云夕去棹歸軒兩
相迫何人送客故人情故人今夜何處客

鄴都引

君不見魏武草創爭天祿羣雄睚眦相馳遂晝擣壯士

破堅陣夜接詞人賦華屋都邑繚繞西山陽桑榆汗漫
漳河曲城郭為虛人代改但有西園明月在鄴傍高塚
多貴臣娥眉曼一作曼 睞共灰塵試上銅臺歌舞處唯有

秋風愁殺人

城南亭作

珂馬朝歸連萬石稍門洞啓親迎客北堂珍重琥珀酒
庭前列肆茱萸席長袖遲回意緒多清商緩轉日騰波
舊傳比翼侯家舞新出將雛主第歌漢家絳灌餘兵氣

晉代浮虛安足貴正逢天下金鏡清偏加日飲醇醪意
誰復遨遊不復歸閒庭莫畏不芳菲會待城南春色至
竟將花柳拂羅衣

同趙侍御乾湖作

江南湖水咽山川春江溢入共湖連氣色紛淪橫罩海
波濤鼓怒上漫天鱗宗殼族嬉為府弋叟眾師利焉聚
欹帆側柁弄風口赴險臨深繞灣浦一灣一浦張遭迴
千曲千溠祝迷哉乍見靈妃含笑往復聞遊女怨歌來

暑來寒往運洄洑潭生水落移陵谷雲間墜翻散泥沙
波上浮查棲樹木昨暮飛霜下北津今朝行鴈度南濱
處處溝洚清源竭年年舊葦白頭新天地盈虛尚難保
人間倚伏何須道秋月皛皛泛澄瀾冬景青青步纖草
念君宿昔觀物變安得躊躇不衰老

巡邊在河北作

去年六月河西今年六月北河北沙場磧路何為爾
重氣輕生知許國人生在世能幾時壯年征戰髮如絲

會待安邊報明主作頌封山也未遲

贈崔二安平公樂世詞

十五紅粧侍綺樓朝承握梨夜藏鉤君臣一意金門寵
兄弟雙飛玉殿遊寧知宿昔恩華樂變作瀟湘離別愁
地濕莓苔生舞袖江聲怨歎入笙簧自憐京兆雙眉嫵
會待南來五馬留

送尹補闕元凱琴歌

公善

琴

鳳哉鳳哉啄琅玕飲瑤池棲崑崙之山哉中國有聖人

感和氣飛來飛來自歌自舞先王冊府麒麟之臺羈雌
衆離故山曲其鳴喈喈其鳴喈喈欲往銜之歛去來去
別鸞鳳心徘徊明年阿閣梧桐花葉開羣飛鳳歸來羣
飛鳳歸來

送考功武員外學士使嵩山署舍利塔

懷玉泉戀仁者寂滅真心不可見空留影塔嵩巖下寶
王四海轉千輪金曇百粒送分身山中二月娑羅會虛
唄遙遙愁思人我念過去微塵劫與子禪門同正法雖

在神仙蘭省間常持清淨蓮花葉來亦好去亦好了觀
車行馬不移當見菩提離煩惱

遙同蔡起居偃松篇

清都衆木總榮芬傳道孤松最出羣名接天庭長景色
氣連宮闕借氤氳懸池的的停華露偃蓋重重拂瑞雲
不借流膏助仙鼎願將楨榦捧明君莫北冥靈楚南樹
朽老江邊代不聞

御定全唐詩卷八十六

欽定四庫全書會要卷一萬七千四百九十二

集部

御定全唐詩卷八十七

張說

奉和聖製登驪山矚眺應制

寒山上半空臨眺盡寰中是日巡遊處晴光遠近同川
明分渭水樹暗辨新豐巖壑清音暮天歌起大風

奉和聖製幸白鹿觀應制

洞府寒山曲天遊日旰迴披雲看石鏡拂雪上金臺竹

徑龍驂下松庭鶴轡來雙童還獻藥五色耀仙材

奉和聖製送金城公主適西蕃應制

青海和親日潢星出降時戎王子婿寵

一作禮

漢國舅家

慈春野開離讌雲天起別詞空彈馬上曲詎減鳳樓思

一作

悲

奉和同皇太子過慈恩寺應制二首

翼翼宸恩永煌煌福地開離光升寶殿震氣繞香臺上

界幡花合中天伎樂一作日月來願君無量壽仙樂屢徘徊

朗朗神居峻軒軒瑞象威聖君成願果太子拂天衣至
樂三靈會深仁四皓歸還聞渦水曲更繞白雲飛

侍宴武三思山第應制賦得風字

梁王池館好曉日鳳樓通竹町羅干衛蘭筵降兩宮清
歌芳樹下妙舞落花中臣覺筵中聽還如大國風

奉和聖製過寧王宅應制

進酒忘憂觀蕭韶喜降臨帝堯敷族一作禮

睦

王季友兄

心竹院龍鳴笛梧宮鳳遶林大風將小雅一字盡千金

奉和聖製同玉真公主過大哥山池題石壁應制

綠竹初成苑丹砂欲化金乘龍與駿鳳歌吹滿山林爽氣凝情一作波迥寒光映浦深忘憂題此觀為樂賞同心

奉和聖製賜王公千秋鏡應制

寶鏡頌神節凝規寫聖情千秋題作字長壽帶為名綬為帶取以長壽之義月向天邊下花從日裏生不承懸象意誰辨

照心明

奉和聖製經鄒魯祭孔子應制

孔聖家鄒魯儒風藹典墳龍駿廻舊宅鳳德詠餘芬入
室神人一作人如在升堂樂似聞懸知一王法今日待明君

侍宴襄荷亭應制

回鑾青嶽觀帳殿紫煙峰仙路迎三鳥雲衢駐兩龍園
林看化一作故塔壇蟬識餘封山外聞簫管還如天上逢

三鳥見劉向九辨惜

賢篇雨龍出山海經

侍宴滻水賦得濃字

千行發御柳一葉下仙筇青浦宸遊至朱城佳氣濃雲
霞交暮色草樹喜春容藹藹天旗轉清笳入九重

奉和聖製同劉晃喜雨應制

青氣含春雨知從岱嶽來行雲避師出灑雨待車廻厭
浥塵清道空濛柳映臺最宜三五夜晴月九重開

奉和聖製觀拔河俗戲應制

今歲好拖鉤橫街敞御樓長繩繫日住貫索挽河流鬪
力頻催鼓爭都更上籌春來百種戲天意在宜秋

奉和聖製途次陝州應制

周召嘗分陝詩書空復傳何如萬乘睠追賞二南篇郡
帶洪河側宮臨大道邊洛城將日近佳氣滿山川

奉和聖製野次喜雪應制

寒更玉漏催曉色御一作幄前開決漭雲陰積氤氳風雪

迴山知銀作甕宮見壁成臺欲驗豐年象飄搖仙藻來

奉和聖製溫泉言志應制

溫谷媚新豐驪山橫半空湯池薰水殿翠木暖煙宮起

疾逾仙藥無私合聖功始知堯舜德心與萬人同

皇帝降誕日集賢殿賜宴

仲秋金帝起五日土行昭

一作標

瑞表壬寅露光傳甲子

宵陰風吹大澤夢日照昌朝不獨華封老千年喜祝堯

晦日詔宴永穆公主亭子賦得流字

堂邑山林美朝恩晦日遊園亭含淑氣竹樹遶春流舞

席千花妓歌船五彩樓羣歡與王澤歲歲滿皇州

恩制賜食於麗正殿書院宴賦得林字

東壁圖書府西園

一作垣

翰墨林誦詩聞國政講易見天

心位竊和羹重恩叨醉酒深緩

一作載

歌春興曲情竭為

知音

羽林恩召觀御書王太尉碑

隴首名公石來承聖札歸魚龍生意態鈎劙動鋌輝字
得神明保詞慙少女徽誰家羽林將又逐鳳書飛

東都酺宴四首

并序

先天元祀孟冬十月東都留守韋公夤奉聖朝述

宣嘉旨乃合洛京之五省招河伊之二縣將吏咸
集佩章有序鏘鏘濟濟侃侃閭閻供張於興教之
門式酺宴也原夫樂生於心非因結風之奏和達
於氣無待陽春之節蓋澤之所及也深則情之所
感者遠國家天地一統君臣百年朝榮舊德之序
野賴先疇之業玄化漸瀆洪恩旣久太上功德不
宰夏后命子之初皇帝孝理無為漢祖事親之日
生堯舜於天屬見文武於同時前古未逢斯人何

幸是日六樂振作萬舞萬弱鳥獸徘徊士女踴躍
則知衆庶觀德之所樂也旨酒絡繹大庖燔炙芳
溢風煙醉流阡陌又知衣冠之所適也由近而視
遠萬國之慶皆然自明而察幽三靈之欣可接若
夫吟詠德澤播越人聲斯固雅頌之餘波政教之
遺美凡我詞客安敢闕如賦詩展事垂列於後

重華昇寶歷軒帝眇閒居政成天子孝俗返上皇初忘
味因觀樂歡心寄合酺自憐疲馬意戀戀主恩餘

朱城塵曉滅翠幕景情開震震靈臺起翔翔舞鳳來雕

盤裝草樹綺乘結樓臺共喜光華日酣歌捧玉杯

曉月調金闕

一作鼓

朝暾對玉盤爭馳羣鳥散鬪伎百花

團遇聖人知幸承恩物自歡洛橋將舉燭醉舞拂歸鞍
愷宴惟今席餘歡殊未窮入雲歌嫋嫋向日伎叢叢駛
管催酣興留闌待曲終長安若為樂應與萬方同

道家四首奉敕撰

金壇啓曙闈真氣肅微微落月銜仙竇初霞拂羽衣香

隨龍節下雲逐鳳簫飛暫住蓬萊戲千年始一歸

窮窕流精觀深沉紫翠庭金奩調上藥寶案讀仙經作賦看神雨乘槎辨客星祇應謝人俗輕舉託雲輶

金爐承道訣玉牒啓玄機雲逐笙歌度星流宮殿飛乘風嬉浩蕩窺月弄光輝唯有三山鶴應同千載歸

道記開中籙真官表上清焚香三鳥至煉藥九仙成天上靈書下空中妙伎迎迎來出煙霧渺渺戲蓬瀛

鳳樓尋勝地

西掖持醇酒東山就白雲開軒綠池映命席紫蘭芬舞
度花為伴鶯來管作羣太平多樂事春物共氤氳

幽州夜飲

涼風吹夜雨蕭瑟動寒林正有高堂宴能忘遲暮心軍
中宜劍舞塞上重笳音不作邊城將誰知恩遇深

崔禮部園亭得深字

窈窕留清館虛徐步晚陰水連伊闕近樹接夏陽深柳
蔓憐垂拂藤稍一作苗愛上尋訝君軒蓋侷非復俗人心

送鄭大夫惟忠從公主入蕃

鳳吹遙將斷龍旗送欲還傾都邀節使傳酌緩離顏春
磧沙連海秋城月對關和戎因賞魏定遠莫辭班

送崔二長史日知赴潞州

東山懷卧理南省悵悲翁共見前途促何知後會同莫
輕一筵宴明日半成空况爾新離闕思歸迷夢中

同賀八送充公赴荊州

疇昔同聲友騫飛出鳳池風雲一蕩薄日月屢參差此

別黃葉下前期安可知誰憐楚南樹不為歲寒移

錢唐州高使君

常時好閑獨朋舊少相遇及爾宣風去方嗟別日多淮
流春晚晚江海路蹉跎百歲屢分散歡言復幾何

送王駿自羽林赴永昌令

將星移北洛神雨避東京為負剛腸譽還追強項名白
雲向伊闕黃葉散昆明多謝弦歌宰稀聞桴鼓聲

同王僕射山亭餞岑廣武羲得言字

聞道長岑令奮翼宰旅門長安東陌上送客滿朱軒琴
爵留佳境山池借好園茲遊恨不見別後綴離言

送任御史江南發糧以賑河北百姓

河朔人無歲荆南義廩開將興汎舟役必仗濟川才夜
月臨江浦春雲歷楚臺調饑坐相望繡服幾時回

送王尚一嚴嶷二侍御赴司馬都督軍

漢拔通沙塞邊兵護草腓將行司馬令助以鐵冠威白
露鷹初下黃塵騎欲飛明年春酒熟留酌二星歸

送李問政河北簡兵

斗酒貽朋愛躊躇出御溝依然四牡別更想八龍遊客
親仕燕冀連年邇寇讐因君閔河朔垂淚語幽州

送薛植入京

青組言從史鴻都忽見求款言人向老飲別歲方秋髣
鬚長安陌平生是舊遊何時復相遇宛在水中流

相州前池別許鄭二判官景先神力

數步圓塘水雙鴻戢羽儀一飛喬木上一返故林垂澹

泊舍秋景虛明抱夜規無因留絕翰雲海意差池

岳州宴別潭州王熊二首

絲管清且哀一曲傾一杯氣將然諾重心向友朋開古木無生意寒雲若死灰贈君芳杜草為植建章臺

縉雲連省閣溝水遽西東然諾心猶在榮華歲不同孤城臨楚塞遠樹入秦宮誰念三千里江潭一老翁

廣州蕭都督入朝過岳州宴餞得冬字

孤城抱大江節使往朝宗果是臺中舊依然水上逢京

華遙比日疲老颯如冬竊羨能言鳥銜恩向九重

岳州別姚司馬紹之制許歸侍

和玉悲無已長沙宦不成天從扇枕願人遂倚門情方
外懷司馬江東憶步兵問君樓泊處空嶺夜猿驚

送岳州李十從軍桂州

送客之江上其人美且才風波萬里闊故舊十年來劍
拔蛟隨斷弓張鳥自摧陽橋書落落驛馬定先回

岳州別趙國公王十一琚入朝

昔濫貂蟬長同承雨露霏今參魚鱉守望美洞庭歸浦
樹懸秋影江雲燒落輝離魂似征帆一作旆
又作鴈恒往帝鄉

飛

岳州別子均

離筵非燕喜別酒正銷魂念汝猶童孺嗟予隔遠藩津
亭拔心草江路斷腸猿他日將何見愁來獨倚門

端州別高六戢

異壤同羈竄途中喜共過愁多時舉酒勞罷或長歌南

海風潮壯西江瘴癘多於焉復分手此別傷如何

南中別蔣五岑向青州

老親依北海賤子棄南荒有淚皆成血無聲不斷腸此
中逢故友彼地送還鄉願作楓林一作江楓葉隨君度洛陽

南中別陳七李十

二年共遊處一旦各西東請君聊駐馬看我轉征蓬畫
鷗愁南海離駒思北風何時似春鴈雙入上林中

南中別王陵成崇

握手與君別岐路贈一言曹卿禮公子楚媼饋王孫倏爾生六翮翻飛戾九門常懷客鳥意會答主人恩

嶺南送使

秋鴈逢春返流人何日歸將余去國淚灑子入鄉衣饑狹啼相聚愁猿喘更飛南中不可問書此示京畿

幽州別陰長河行先

惠好交情重

一作惠愛
交千里

辛勤世事多荆南久為別薊北

遠來過寄目雲中鳥留歡酒上歌影移春復間遲暮兩

如何

和朱使欣道峽似巫山之作

江如曉天淨石似暮霞

一作雲

張征帆一流覽宛若巫山

陽楚客思歸路秦人謫異鄉猿鳴孤月夜再使淚沾裳

和朱使欣二首

南土多為寇西江盡畏途山行阻篁竹水宿礙葦蒲使
越才應有征蠻力豈無空傳人贈劍不見虎銜珠

江勢連山遠天涯此夜愁霜空極天靜寒月帶江流思

起南征棹文高北望樓自憐如墜葉泛泛侶仙舟

過庾信宅

蘭成追宋玉舊宅偶詞人筆湧江山氣文驕雲雨神包
胥非救楚隨會反留秦獨有東陽守來嗟古樹春

盧巴驛聞張御史張判官欲到不得待留贈之

旅竄南方遠傳聞北使來舊庭知玉樹合浦識珠胎白
髮因愁改一作變丹心一作誠託夢迴皇恩若再造為憶不

然灰

南中贈高六載

北極辭明代南溟宅故臣丹誠由義盡白髮帶愁新鳥
墜炎州氣花飛洛水春平生歌舞席誰憶不歸人

岳州山城

山城豐日暇閉戶見天心東曠迎朝色西樓引夕陰書
觀千載近學靜二毛深忽有南風至吹君堂上琴

和尹懋秋夜遊澠湖

澠湖佳可遊既近復能幽林裏棲精舍山間轉去舟鴈

飛江月冷猿嘯野風秋不是迷鄉客尋奇處處留

與趙冬曦尹憲子均登南樓

危樓瀉洞湖積水照城

一作南

隅命駕邀漁火

一作父

通家

引鳳雛山晴紅藥匝洲曉綠苗鋪舉目思鄉縣春光定

不殊

遊澠湖上寺

湖上奇峰積山中芳樹春何知絕世境來遇賞心人清
舊巖前樂呦嚶鳥獸馴靜言觀聽裏萬法自成輪

晦日

晦日嫌春淺江浦看湔衣道傍花欲合枝上鳥猶稀共
憶浮橋晚無人不醉歸寄書題此日鴈過洛陽飛

湘州九日城北亭子

西楚菜萸節南淮戲馬臺寧知沅一作湘水上復有菊花

杯亭帳憑高出親朋自遠來短歌將急景同使興情催

翻著葛巾呈趙尹

昔日接驩倒今我葛巾翻宿酒何時醒形骸不復存忽

聞有嘉客驪步出閒門桃花春徑滿誤識武陵源

戲題草樹

忽驚石榴樹遠出渡江來戲問芭蕉葉何愁心不閑微
霜拂宮桂淒吹掃庭槐榮盛更如此慚君獨見哀

岳州贈廣平公宋大夫

亞相本時英歸來復國楨朝推長孺直野慕隱之清傳

節還閩嶂皇華

一作恩

入漢京寧思江上老歲晏獨

一作蹇

無成

和魏僕射還鄉

富貴還鄉國光華滿舊林秋風樹不靜君子歎何深故
老空懸劍鄰交日一作自散金衆芳搖落盡獨有歲寒心

和張監觀赦

日御臨雙闕天街嚴百神雷茲一作舒作解氣歲復建寅
春喜候開星驛歡聲發市人金環能作賦來入管弦聲

寄天臺司馬道士

世上求真客天臺去不還傳聞有仙要夢寐在茲山朱

闕青霞斷瑤堂紫月間何時枉飛鶴笙吹接人間

下江南向夔州

天明江霧歇洲浦棹歌來綠水逶迤去青山相向開城
臨蜀帝祀雲接楚王臺舊知巫山上遊子共徘徊

還至端州驛前與高六別處

舊館分江日

一作口

悽然望落暉相逢傳旅食臨別換征

衣昔記山川是今傷人代非往來皆此路生死不同歸

四月一日過江赴荊州

春色沅湘盡三年客始回夏雲隨北帆同日過江來水漫荆門出山平郢路開比肩羊叔子千載豈無才

湘州北亭

人務南亭少風煙北院多山花迷徑路池水拂藤蘿萍散魚時躍林幽鳥任一作乍歌悠然白雲意乘興抱琴過

荊州亭入朝

巫山雲雨峽湘水洞庭波九辨人猶擯三秋鴈始過旃裘吳地盡鬚薦楚言多不果朝宗願其如江漢何

岳州守歲

除夜清樽滿寒庭，燎火多舞衣。連臂拂醉坐，合聲歌至
樂。都忘我，冥心自委和。今年只如此，來歲知如何。

詠塵

仙浦生羅襪，神京染素衣。裨山期益峻，照日幸增輝。
夕伴龍媒合，朝遊鳳輦歸。獨憐范甑下，思繞畫梁飛。

閥題

婚禮知無賀，承家歎有輝。親迎驥子躍吉兆，鳳雛飛溫

席開華扇梁門換袈衣遙思桃李日應賦採蘋歸

深渡驛

旅泊青山夜荒庭白露秋洞房懸月影高枕聽江流猿
響寒巖樹螢飛古驛樓他鄉對搖落併覺起離憂

惠文太子挽歌二首

碣館英靈在瑤山美謚尊剪桐悲襄戲攻玉愴新恩宮
仗傳馳道朝衣送國門千秋穀門外明月照西園

梁國深文雅淮王愛道仙帝歡同宴日神奪上賓年旒

旆飛行樹帷宮宿野煙指言君愛弟揮淚滿山川

節義太子楊妃挽歌二首

西華三公族東闈五可才玉環初受慶金玦反逢灾桂
殿花空落桐園月自開朝雲將暮雨長繞望思臺

昔日三朝路逶迤四望車繡腰長命綺隱髻連枝花今
春戾園樹索然無歲華共傷千載後惟號一王家

韋譙公挽歌二首

五瑞分王國雙珠映后家文飛書上鳳武結笥中蛇出

豫榮前馬迴鸞喪後車袞衣將錫命泉路有光華
國騁雙驥驥庭儀兩鳳皇將星連相位玉樹伴金鄉歌
舞侯家豔軒裘戚里光安知杜陵下碑版已相望

右丞相蘇公挽歌二首

王宰丹青化春卿禮樂才繙衣傳舊職華袞贈新哀路
泣羣官送山嘶駟馬迴佳辰無白日賓閣有青苔

門一作聞歌出野田冠帶寢窮泉萬事皆身外平生尚目
前西垣紫泥綺東岳白雲篇自惜同聲處從今遂絕弦

崔尚書挽詞

相宅隆

一作當

坤寶承家占海封庭中男執鴈門外女乘

龍鳴玉遊三省挺金侍九重一朝賓客散留劍在青松

右侍郎

一作常侍

集賢院學士徐公挽詞二首

才美臨淄北名高淮海東羽儀三省遍漁獵五車通玉
殿孤新榜珠英落舊叢徒懸一寶劍何處訪徐公

歎息書林友才華天下選並賦三陽宮集詩集賢殿具
物衣如在咄嗟長不見旣衰薤露詞豈忘平生眷

崔司業挽歌二首

海岱英靈氣膠庠，禮樂資風流。滿天下人物，擅京師。
起揚雄賦魂，遊謝客詩從。今好文主遺恨，不同時。

象設存華館，威儀下墓田。鳳池傷舊草，麟史泣遺編。帷
蓋虛煙沒千旌，隴日懸古來。埋玉樹，流恨滿山川。

李工部挽歌三首

錦帳為郎日，金門待詔時。楊宮先上賦，栢殿幾連詩。瞬
息琴歌斷，淒涼簫挽悲。那堪霸陵岸，回首望京師。

宅兆西陵上平生雅志從城臨丹闕近山望白雲重會
葬知元伯看碑識蔡邕無由接神理揮涕向青松

常時好賓客永日對弦歌是日歸泉下傷心無奈何墓
庭人已散祭處鳥來過碑石生苔蘚榮名豈復多

贈工部尚書馮公挽歌三首

忠鯁難為事平生盡畏途如弦心自直秀木勢恒孤詔
葬南陵道神遊北斗樞貴門傳萬石餘慶在雙珠

爵位題龍旋威儀出鳳城路傍人泣送門外馬嘶迎萬

事非吾有千悲是世情昔焉稱夏日今也謚冬卿

窅然長夜臺舉世可哀哉泉戶一朝閉松風四面來石

碑填駁辭珠服聚塵埃誰言

一作遙望遼東鶴千年往復迴

徐高御挽歌

蒲密遙千載鳴琴始一追公卿傳世範仁義續靈基不
待南遊祿何先北帝期玉棺從此閉金鼎代相欺

奉和聖製春日幸望春宮應制

別館芳菲上苑東飛花澹蕩御一作舞筵紅城臨渭水天

河靜一作近 闢對南山雨露一作雲霧 通繞殿流鶯凡幾樹當

蹊亂蝶許多叢春園旣醉心和樂共識皇恩造化同

侍宴隆慶池應制

靈池月滿直城隈
散帳天臨御路開
東沼初陽疑吐出
南山曉翠若浮來
魚龍百戲紛容與
鳬鷺雙舟較泝洄
願似金隄青草馥

一作

長承瑤水白雲杯

奉和聖製春日出苑應制

一作 贈目應令

禁林懿裔發青陽
春望逍遙出畫堂
雨洗亭臯千畝綠

風吹梅李一園香鶴飛不去隨青管魚躍翻來入綠航
睿賞歡承天保定道文更覩日重光

扈從溫泉宮獻詩

溫泉啓蟄氣氤氳渭浦歸鴻日數羣騎仗聯聯環北極
鳴笳步步引南熏松間彩殿籠佳氣山上朱旗繞瑞雲
不知遠夢華胥國何如親奉帝堯君

三月三日詔宴定昆池宮

一作官

莊賦得筵字

鳳皇樓下對

一作帶

天泉鸚鵡洲中迺

一作雜

管弦舊識平

陽佳麗地今逢上已盛明年舟將水動千尋日暮共林
橫兩岸煙不降王人觀禊飲誰令醉舞拂賓筵

先天應令

三陽麗景早芳辰四序嘉園物候新梅花百般障行路
垂柳千條暗迴津鳥驚直為飛風葉魚躍都由怯岸人
唯願聖主南山壽何愁不賞萬年春

舞馬千秋萬歲樂府詞三首

按唐禮樂志明皇以馬百匹盛飾分

左右施三重榻舞傾杯數十曲壯士舉榻馬不動樂工少年姿秀者十數人衣黃衫文玉帶立

左 右 每 千 秋 節 舞 於 勤 政 楼 下 千 秋 節 者
明 皇 以 八 月 五 日 生 因 以 其 日 名 節 云

金 天 誕 聖 千 秋 節 王 醫 還 分 萬 壽 軺 試 聽 紫 騞 歌 樂 府
何 如 驥 驥 舞 華 岡一 作 鸟 連 鷓 勢 出 魚 龍 變 蹤 蹤 騞 生 烏

獸 行 歲 歲 相 傳 指 樹 日 翩 翩 來 伴 慶 雲 翔

聖 皇 至 德 與 天 齊 天 馬 來 儀 自 海 西 腕 足 徐 行 拜 兩 膝
繁 騞 不 進 踏 千 蹄 髮 髮 奮 鬚 時 蹤 蹤 鼓 怒 騞 身 忽 上 蹰
更 有 銜 杯 終 宴 曲 垂 頭 掉 尾 醉 如 泥

遠 聽 明 君 愛 逸 才 玉 鞭 金 翅 引 龍 媒 不 因 兹 白 人 間 有

定是飛黃天上來影弄日華相照耀噴舍雲色且裴徊
莫言闕下桃花舞別有河中蘭葉開

同趙侍御巴陵早春作

江上春來早可觀巧將春物一作色妬餘寒水苔共繞留

烏石花鳥爭開闢鴨欄佩勝芳辰日漸暖然燈美夜月
初圓意隨北鴈雲飛去直待南州蕙草殘

澠湖山寺

空山寂歷道心生虛谷迢遙野鳥聲禪室從來塵外賞

香臺豈是世中情雲間東嶺千尋

一作重

出樹裏南湖一

片明若使巢由知此意不將蘿薜易簪纓

幽州新歲作


去歲荆南梅似雪今年薊北雪如梅共知人事何常定
且喜年華去復來邊鎮戍歌連夜動京城燎火徹明開
遙遙西向長安日願上南山壽一杯

御定全唐詩卷八十七

謹案卷八十六第五頁後五行言別悵悠悠按原
集言作念

第十頁前一行雲濤戀山海刊本濤訛渭據原集
改

卷八十七第二頁前八行一字盡千金按原集盡
作重



總校官庶吉士臣張能照
校對官檢討臣龔大萬
謄錄貢生臣左顥若